



新編博物策會卷之五

山西省

太原府人物

讀唐詩而知好樂無荒者自堯以來之俗讀通典而知文字盛興者自魏以降之風蓋太原之地禹貢冀州天文參井周為唐國繼為晉邦而太原之名起於秦也其地左有恒山之險右有大河之固南有石嶺之關北有雲內之塞此李太白謂之雄藩劇鎮非賢莫居者也生是地者憂深思遠淳儉好學故士尚文章才兼武吐華發秀日益奇焉豈非人才之淵藪萬世所景仰者耶請具陳之晉大夫曰狐突狐偃一被懷公之淫刑不屑

漢會要卷之五
屏石裝璜卷之五

於召子也一從文公之成霸克光於乃父也趙朔客公
孫杵臼程嬰一死於十五年之前所以存趙孤也一死
於十五年之後所以報宣孟也漢之時衛綰不赴太子
之召何廉實也而卒拜太傅常惠不減蘇武之節何剛
介也而卒拜光祿郇越以貲萬餘施九於不承高節矣周黨被徵三聘乃就車不承隱逸矣
王莽之亂王霸掛冠氣節何凜凜也隗囂之召温序伏
劍志操何磊磊也王允少好大節而郭林宗為之友一
州盜賊芟之若摧枯焉王烈少尚孝義而陳寔為之師
一境詞訟化之如發蒙焉三國之時郭淮王凌皆屢立
戰功而凌之氣節甘一死允難也温恢温恭皆屢著孝
廉而恭之兄弟號六龍允難也孫資為北州賢知足以
光荀彧之桃李王昶著兵書治論足以繼王澤之箕裘

以晉言之劉殷掘地得粟何為而得粟也孝也解叔謙
訪山得藥何為而得藥也孝也以温羨為父而有子嶠
風儀秀整成敗蘇峻之績以王湛為弟而有兄渾謀畧
奇巧成伐孫皓之功枕流洗耳漱石礪齒孫楚之爽邁
不群自言所志如此也至其孫曰盛善言名理而有晉
春秋可當良史之筆焉曰綽放情山水而有遂初賦不
愧文士之才焉子不及孫孫不如父王承之清虛寡欲
為時所評如此也至其子述安貧守道為征西將軍而
能折王道焉其孫坦之弱冠負名為尚書令而能抗桓
温焉郭琦註易經百卷其學精矣雖趙王倫之召隱居
不仕其節義尤可褒者周續之通五經五緯其學博矣
與陶淵明之輩隱身不出其氣象尤不凡者孝義如王

沉此王昶養之於少者也高簡如郭奕此山濤薦之於朝者也王濛始不齒於人終有聞於世而子曰蘊仕至散騎常侍孫爽仕至寧朔將軍足以繼其美矣莫含始仕於劉琨終事平穆帝而孫題為東安侯弟雲至安定公足以述其事矣至於王懿刺徐州而著德政王叡代桓玄而死節義凡皆晉之人物也南北朝之時郭祚雖貌不踰久而涉經史卒居家宰之任王僧辯雖射不穿札而明左氏卒平侯景之亂唐邕明敏有才幹王思政魁梧有籌策一仕於魏一仕於齊王軌質直無躁性王茂寬厚無猜容一仕於周一仕於梁隋之時諫起三山受賜百金則有若王韶之直也大豕同乳烏鵲通巢則有若郭雋之義也逮至於唐張道源王方翼皆以幼冲

而能孝其親故一曰至孝里一曰孝童非虛譽也茹汝升李愷皆以治郡而能愛其民故一立廟於代州一立祠於清河非偶得也唐儉雖不能繩檢而為天策府長史有諷諫之益王珪雖不死建成而為諫議大夫有激揚之長許世緒與弟洛仁皆從起晉陽為有功温大雅與弟彥博皆輔相太宗為有力狄仁傑薦拔賢俊收取日之功何忠義也其族孫狄兼謩為御史中丞文帝謂之曰一臺正朝廷治有祖風矣武平一隱身嵩山避牝鷄之禍何高尚也其孫元衡為御史中丞德宗稱之曰真宰相器有祖烈矣王縉佐李光弼而擢太原少尹可謂竭其力矣王鏐從曹王臯善刺軍中情偽可謂忠所事矣王緯奏延齡之過直忝御史大夫之任王仲舒

阻延齡之相真不負賢良方正之名王彥威撰元和新禮之書而整一制度王翊擢才兼文武之科而討定夷獠温佶助平原為守禦計忠矣而子造劾奏李祐又何剛也王播尉盩厔以決獄著明矣而弟起上諫畋游又何直也至於王鐸累官平章自任經濟雖身不克保而節亦可取矣五代之時唐則張憲有沉靜之量晉則史建塘有破敵之功鄭仁誨扈彥珂薛懷讓皆盡力於世宗之朝也韓通李筠李重進皆死節於陳橋之變也逮至於宋藥元福李萬超武行德侯章張從恩皆仕晉而歸宋能布其力也李洪信郭從義白重贊王溥皆仕漢而歸宋能效其勞者也李進卿楊美吳廷祚非仕於周者乎然歸宋之日皆有平蜀之功而廷祚則鎮京兆也

袁繼志賀惟忠羅彥瓌又非仕於周者乎然歸宋以來皆有震邊之功而彥瓌則謀陳橋者也知興元者安守忠知鳳翔者高防而王貴以七十三之年能空拳殺敵真可謂之勇矣知雄霸者石曦平蜀都者王全斌而常延信領十二之州能著威成績真可謂之能矣於身則刺字者四於子則刺字者十二呼延贊之膽勇如此也中流矢者八身被創者十三輔超之勇悍如此也李謙溥性慷慨通春秋而有兩子皆擅知州之譽楊震善弓馬平方臘而有兩子皆死夏人之難楊業在代州而號楊無敵楊延昭敗契丹而號楊六使父子之勇畧如是乎安俊監環州而號安太保楊文廣獻陣圖而號為名將邊境之干城如是乎吳元辰讀左傳而以身尚公主

宜矣郭守文立軍功而其女爲皇后宜矣慕容德琛有
討昇蠻之功有光於乃兄延釗也石普能通推步之術
有光於從父通也武革死於任福之戰而夏守贇爲高
陽總管閻守恭爲并代鈴轄皆有可稱也王信平貝州
之賊而盧政爲神衛都頭潘夙知河中皆有可取也劉
易作春秋論而趙抃薦之任山作井田固而富弼重之
敗元昊者王凱而謚壯恪敗金人者楊存中而謚武恭
郝戴上書致仕爲父求官而卒遂其志王中立易名雲
鶴自號擬栩而能工於詩以金言之楊雲翼舉進士第
一而子恕亦登第於滷鑑則有續於周禮則有辨雲翼
之才卓乎不可及已孫九鼎舉進士第一而弟九疇九
億亦同榜清廟瑟之三嘆齋房芝之九莖孫氏之盛高

乎不可尚矣王疇與弟曰珙曰珣皆登進士而來三桂
之號張翰與弟 脩然子天彝皆登進士而享九棘之
榮游完以日販贍給三百餘口郭文振以刺史招降二
百餘村以書生鎮方面者一人則有若胥鼎以科目顯
朝廷者七世則有若劉昂崔立作亂聶天驥死之固也
而其女亦自縊尤爲可竒也元兵攻城趙益死之固也
而其妻亦自殺尤爲可嘉也至於張大節楊愷王特起
元好問之徒何莫非爲國盡忠者耶以元言之馮純爲
行省平章而有子思溫爲總管郝拔都爲五路萬戶而
有子天益爲總管憲宗下蜀聶大本有從征之功史天
澤開府張德輝有贊策之力聶輝歷兵工二部尚書呂
思誠歷禮刑二部尚書而三爲祭酒一法許衡之舊者

思誠也王守誠與脩三史郝忠恕總裁三史而書成歸
隱及獻無逸之旨者忠恕也許楫管兩路有循良之政
武祺知桐城有果斷之風至於郭周郤知章之徒何莫
非為世聞人者耶逮至我

朝吳昭吳印皆為布政而以才識稱和希文齊麟皆為
侍郎而以學行顯王克己以文學舉田敏道以才行舉
一為尚書一為副使何忝乎李拳以孝廉舉郝鵬以國
子生舉一為參政一為府尹何愧乎天順以後人才輩
出為國大用吾未暇屢數也

平陽府人物

唐曰平陽秦曰河東隋曰平河元曰晉寧此沿革之異
也倚之太行起之首陽迤之黃河靡之大陸此形勢之

奇也蓋冀州之域分野觜參崧水陸之形勢壯關河之
氣色人生其間恭而不傲和而不怒勇而敢朴而實蓋
虞夏治迹之所經行夷齊清風之所漸染宜乎薰而善
陶而化者也然則人才之盛豈徒然哉請具陳之唐虞之時董
父相傳聞喜人為舜豢龍氏固有功矣而教民稼穡五
穀有播種之休民物奠安周室為興王之本非后稷而
何夏商之時巫咸相太戊巫賢相祖乙固有功矣而苦
口諫桀甘受殺身之禍應夢作相屢諫說命之篇非關
龍逢傳說而何周之人物尤有可得而言者矣師服以
穆侯命名之異而知其兆後禍卜偃以童謡成軍之說
而知其獲後勝士為勸中生之逃良策也故其賦曰一
國三公吾誰適從史蘇諫驪戎之伐正言也故其辭曰

晉以男戎勝戎戎以女戎勝晉趙夙畢萬同有滅耿霍之功而以耿賜夙以魏賜萬何過也荀息里克各有忠故主之義一死於卓子之難一死於懷公之難何憾也宮之奇諫虞公得出處之正百里奚相秦穆收霸王之功卻芮因齊師納夷吾而謂之惠公至於呂飴甥盟秦伯而奉之以歸其功亦不泯矣介子推以出亡從重耳而謂之文侯至於欒枝敗楚兵而佐之以霸其功亦不少矣敗秦師於殽者先軫也敗楚師於城濮者荀林父也而狼曠率兵先驅死於彭衙之陳何其壯耶敗齊師於鞏地者士燮也敗秦師於彭衙者先且居也而呂相之射王中目死於由基之戰又何其雄耶士燮本號范文子其父曰士會平王室之亂而謚為武其子曰士匄

歌彤弓之賦而謚為宣至於囚之子曰士鞅伐秦而返知欒氏之亡奔秦而還為平公之卿此有功於國而謚為獻子宜矣荀林父本號中行氏其弟曰荀首邲地之戰有料事之明其子曰荀罃執政之日有立君之績至於行父之曾孫曰荀吳不急於伐鼓玄孫荀寅不必於伐楚皆有功於國而謚為穆為文宜矣趙衰勸立襄王卒謚曰文矣其子曰盾制事決刑黜曰之號其孫翊薄幣重禮有復霸之功此趙之裔所以愈昌也韓厥勸立趙後卒瞞獻矣其長子無忌托疾辭位而有公族大夫之命其少子起代政聘魯而有易象春秋之觀此韓之後所以益顯也鉏麇之觸槐不忍以邪害政也靈輒之倒戟不忍以怨報恩也祁奚舉解狐之仇得薦賢之公

里狐斷宣子之罪得良史之直也解揚致君命而不
奪於楚何剛正耶李離自歸罪而不罪乎吏何勇敢耶
卻缺以夫敬妻之饁卒膺白季之薦揚且子克與三帥
讓功而傳之卻犇卻至卻錡同心協謀皆有功於邦交
焉魏顆以子擇父之命卒獲杜回之寇盜且子絳有五
利和戎而傳之孫舒去車用卒有柵邊防焉羊舌肸之
責子產以其鑄刑書以開端也張老之責趙文子以其
尚讎斲以費財也伯瑕號文伯而知鄭之必將火此以
人事而占天變也彌牟號景伯而責宋之不輸粟此以
君道而觀臣節也師曠論衛君之出足以警動君心段
干木拒魏侯之來足以激勵士習藺相如踐懷寶之信
而不辱於秦渾池之會使趙有九鼎之重范睢脫廁中

之禍而為相於秦遠交之策使秦有一統之漸逮至於
漢紀信受黃屋之災而項羽為之解圍郅都擅蒼鷹之
號而貴戚為之歛迹衛青霍去病皆有征伐之功而青
之二子皆封侯非有將畧之傳如是乎尹翁歸張敞皆
有循吏之政而翁歸之三子皆郡守非有義方之教如
是乎司馬遷遊江漢涉淮泗乃作史記以發五千萬言
之筆雖曰不明哲保身而有功於史學多矣霍光輔昭
帝廢昌邑乃立孝宣而秉二十年之政雖曰不諳於大
理而有功於社稷大矣胡建斬監軍之奸所以杜絕禍
萌裴潛化烏桓之暴所以振揚文教三國之時賈逵為
豫州刺史奏免貪汚而有直刺史之稱關羽為前將軍
屢震華夏而有虎臣之號咸定遼之功者毋丘儉而封安

邑有禹貢之畝者裴秀而封濟川晉之時裴楷容儀
爽而有兄子裴頠著崇有論衛瓘明識清允而有孫玠
好談玄理治飢荒之郡撫貧恤孤則有李矩焉值永嘉
之亂棄子負姪則有鄧攸焉若夫得青囊之書洞卜筮
之術撰洞林卜韻註方言楚辭此非郭璞乎南北朝之
時薛安都之勇比關羽薛強之志比王猛裴松之註
三國志裴駟註史記而作文質論者柳蚪也裴延儻涉
獵墳典樂遜博通詩書而工隸草書者裴敬憲也裴駿
之聰慧崔浩目爲三河領袖薛聰之清介魏主稱其天
爵自高薛寘仕後周欲行周禮薛道衡仕北齊脩定五
經兼有世務學業者柳莊也少有氣幹將畧者裴叔業
也裴范五舉秀才再舉孝廉而有清白之操柳遐不屑
梁之仕不赴周之辟而有高尚之風裴果河梁之戰勇
冠當時楊柵馬渚之濟功在社稷裴俠戰沙苑以功封
侯而有獨立使君之號裴濠刺三州以寬得民而有淮
肥流涕之恩檢斷鹽池爭訟者柳崇也稱爲士品第一
者柳世隆也晝夜祈禱以明祖父之目則有若張元家
貧躬耕以養祖母之身則有薛澄以隋言之柳旦守龍
川而開設學校柳昂刺潞州而作興風俗丞大理而處
法平允趙綽也刺洋真而考績連最裴蘊也以輕騎五
百直取金陵則有若韓擒虎以幼年十四哀毀親喪則
有若柳雄亮王通續六經作中說教授河汾慨然有傳
道之志門人謚之文中子宜矣張文詡習三禮通三傳
家貧灌園超然有隱身之願鄉人爲之立碑頌宜矣逮

至於唐薛收之書檄辭若素成矣至於兄子薛元敬專
掌文翰而族孫薛稷之文有如良金何美也裴琰之決
獄號霹靂手矣至於其子裴漼諫止營繕而從子裴寬
之不屈權勢何剛也張嘉貞爲之兄而有嘉佑爲之弟
時號鳴珂然通五經爲賢相者嘉貞也以張延賞爲之
父而有弘靖爲之子同登台輔然歷四鎮爲循吏者延
賞也裴寬兄弟八人皆擢明經而裴子通兄弟八人以
孝行聞皆人所難也董晉父子五人皆登顯仕而王勳
兄弟四人以科第著皆世所少也裴炎當武氏之亂固
請歸政而弟迪先面陳得失亦爲有志也薛存誠當憲
宗之惑請於汗屠而子庭老性持謹正亦爲善繼也盧
綸能詩文而與十子之列敬暉迎中宗而與五王之封

裴寂贊起義兵柴紹從征突厥薛仁貴之從征高麗皆
盡忠於開創之初張志寬之居喪哀毀薛大昇之浚渠
通商盧陵之著經決議皆馳名於貞觀之世裴敬彝七
歲能文而爲太子左庶王勃六歲能文而撰滕王閣記
張玄素有回天之力衛次公有持正之名裴守真刺寧
州民懷其政而孖諫中明經科耀卿擢童子科皆光於
父也裴中立爲宰相倚爲輕重而子識爲大理官諡爲
學士官皆忠於國也柳芳綴緝國史而子冕亦富文辭
父子並居集賢院可羨也裴遵慶著王政記而孫樞有
經世才父子並有才行聞可敬也年四十始擢科者王
質而教授生徒焉四十不屑仕者薛戎而放意江湖焉
柳宗元之文章卓偉可謂之才子裴垍之器局峻整可

謂之賢相撰隋書者王績善於品藻而有東臯子之號
撰姓系錄者柳沖多所研綜而有次敬淳之名樊澤威
信著于襄漢而子宗師留心文事韓昌黎爲之誌者即
此人也裴行儉風鑑著于鈴曹而子光庭創資格宋璟與
之者卽此人也柳澤劾周慶何持身之介也張琇殺楊
汪何愛親之誠也裴冕呂諲諲皆有功於至德之日范希朝柳瑞
諲晨皆效勞於奉天之時呂渭渭試瑞
柳所以育英才也呂溫贊凌煙所以揚幽德也崔元亮
移疾東都而朝廷每推其名司空圖隱身中條而盜賊
不入其境五代之時梁有裴迪善治財賦唐有裴皞每
陳闕失宋之人物又有可得而言者王繼勳以武勇在
軍而有王三鈇之號苗訓以天文著名而有黑光相盪
之應張觀趙鼎皆爲御史者也一陳十餘事一陳四十

事其忠義事君上可見矣董孝章邢濬皆在平陽者也
一十世同居一八世同居其雍輯處宗族可知矣薛奎
舉進士首選有剛明之操薛田知延同二州有幹敏之
才孫復著春秋發微而富弼薦之侯仲良惡見佛像而
朱子稱之薛顏善於治水而其孫向知州有聲謚爲恭
敏宜矣其孫紹彭以翰墨稱紹昌以司寇顯顏可謂有
人矣司馬池早於辭位而次子光爲宰相有聲謚爲文
正宜矣其子康以孝行稱其孫朴以死節著池可謂有
後矣劉永一之焚券輕財而重施姚宗明之廬墓父作
而子述劉綜知并州所至有幹而弟綽爲郎中亦有可
稱者也孟宗政爲都統所至皆畏而子珙爲將亦有可
取者也元之時靳和知絳陽政治公平而子用以僉庶

訪司有聲楊守則遷總管才能著稱而同邑郝溫為行
省郎中有聲焉姚天福為御史諫能按察李謙亨為御
史諫造佛事邢飛翰為御史劾廷臣之姦徐毅為御史
陳臺省之要許國禎薦引名士有桃李之聲尉遲德誠
刺擊姦吏有鷹鷂之操著康莊文集者王泰亨而謚清
憲為奎章學士者郭思貞而謚文憲王士元為司業文
行可法而著拙菴文集焉張翥為祭酒誘掖能勤而著
忠義錄焉賀賁收瘞積尸獻助軍費而子仁傑孫惟一
相繼為留守陰德之報也傳起熾初為相掾後為經筵
而穢敬牛光祖相繼官雲南才學之士也諸君實悉力
守淮殆數十百戰精忠大節比之張巡喬彝整冠聚妻
子悉令入井孤忠大義謚之純潔遠至我

朝通政使蔡瑄右通政王錫李素通政參議祝春皆出
納惟公布政使馬負圖參政賈正儀右參政李寅皆恪
勤不懈蘭芳為工部侍郎才能綽著高鐸為刑部侍郎
才識明敏至於始為縣丞終擢都憲伸寃理枉安善去
邪又袁泰也天順以後人才沓出有聲天下吾未得而
枚舉也

大同府人物

論大同之地本北狄所居論大同之名乃五代所定蓋
冀州之域昴畢之星周為并州秦為代郡雲中東連上
谷南達并恒西界黃河北控沙漠京師之藩屏栢梯之
竒觀也人生其間多尚武藝固矣然渾厚質直自昔而
然豈無磊磊人物有可齒於天下者哉請且陳之漢有

范升習梁丘易晉有魚豢勝著正天論而三國之時呂布有討董卓之功張遼有收孫權之功南北朝言之叔孫建鎮平原禮愛賢士燕鳳爲長史明習陰陽長孫嵩從太武累著軍功而三世有公卿之任一曰道生封上黨一曰冀轡揚州一曰倫刺荊州獨孤信從孝武累獻奇謀而三女有椒房之貴一爲周明帝后一爲隋文帝后一爲唐高祖母于栗磾自少扃戎臨事善斷而子謹位重謙抑尚三老之尊其生何榮也斛律金自少行兵用匈奴法弼尤忠勇有謀不幸爲祖挺之譖其死可哀也伊馥走及奔馬有勇將之才尉元開府統將得夷人之心陸侯從征赫蹏封東平王而子馥亦追父風焉薛處子累官徐州賜謚曰文而子淑亦繼父志焉古弼少忠

謹而太武稱之曰國之寶也張綦忠直而北史論之曰齊之良也于什門使馮跋以兵留之歷二十四載而後歸不愧蘇斌節矣朱長生使高車以兵脅之歷三歲而後反不愧男爵之賜矣陸凱號良吏而二子曰晞曰恭負振時之譽其孫曰邛曰又抱博學之才皆有可取者也樊子鵠能臣而賀拔允與弟岳俱鎮恒州于翼與兄寔俱蒞渭州皆有可稱者也尉遲迴仕周有撫夷之效房兆仕隋而有擊胡之功至於于仲文撰刊繁有筆削之學柱彥平陳國有汗馬之勞凡此皆隋之人也以唐言之尉遲恭討王世充有絕倫之勇侯仲莊拒僕固懷恩有藩屏之力五代之時仕於唐者若周德威郭崇韜一死於戰一死於諛而安重誨之却貢獻皆盡忠於

唐者也仕於周者若周密史彥超一為三鎮節度一為威德軍節度而郭崇耻臣契丹皆效勞於周者也以宋言之陸萬友造舟濟師雖不死周而功烈可紀也党進舉挺書數雖不識字而朴實可嘉也李漢超為齊州防禦善撫士卒而有聲於邊鎮李重誨為忻州巡檢應機變而有聲於邊砦折御勳折御卿兄弟也然御卿從征河東力疾出戰而御卿之子惟昌惟昌之弟惟信惟忠盡力於趙保吉寇亂之時折繼閔折繼宣折繼祖兄弟也然繼閔從征元昊寇至不犯而繼閔之子克行克行之子可大可適皆盡力於种鏐出塞之日畢士安決策北伐其勳業無比矣而子世長慶長皆仕於廷曾孫仲河仲游仲俞皆播其譽畢氏之盛如此也姚寶戰死定

州其忠勇可尚矣而子曰兕曰麟皆有威名其孫曰惟曰古咸有勇畧姚氏之盛如此也遼有陳昭衮邢抱朴金有虞仲文程震至於劉撟號南山翁其子汲號西岩老人皆有文集而曾孫為御史則有若劉從益也王元節為密州判官其弟元德為南京提刑皆尚氣節而孫為御史則有王國綱也若夫田琢雷思為轉運高汝勵揚沃衍為刺史程輝楊伯通康元弼為尚書皆當時之名臣以元言之孟攀麟魏璿一陳七十事謚文定一陳三十事謚靖肅趙世延程思廉一劾桑哥之奸而謚文忠一劾阿合馬之奸而謚敬肅譯大學衍義者則有若趙璧建大極書院者則有若楊惟中趙璿之讓兄吳思達之救弟孫公亮一甲工耳然練習國典為可用賈進一

布衣耳然賑濟飢寒為不易上惡之說者雷膺也陳時
務之要者崔咳也崔斌為行省左丞進危謹之論吳明
為國子助教獻定本之書逮至我

朝田炯一監生而官至吏部侍郎勤慎有為耳曹德一
摠旗而官至中軍都督勇銳能奮耳王孜為戶部主事
蒞事勤能李彝為按察使治獄平恕至於始為禮科給
事中有老成之量終為布政叅議有循良之聲此非武
達乎天順以後人才世不乏人吾未得而數之也

汾州人物

地曰冀州天曰參星此汾州之疆域也魏曰西河金曰
汾陽此汾州之名號也考其地春秋屬之晉戰國屬之
趙而汾州之名定於唐也迹其山川墳塚故其人重厚

知義尚信好文然則人才不亦有可舉者哉請具陳之
漢之時有郭泰言高而志大行潔而量洪巾角之折仙
舟之望其為時所慕者如此也晉有王延堅孝敬而兆
魚躍之異宋隱精學問而仕慕容之朝以南北朝言之
宋隱有族子曰弁累官吏部有王佐之譽矣而弟翻尹
河南操行可取也宋弁有從子曰世良累官太守有循
良之政矣而弟世軌官大理寬恕亦可嘉也至於為王
遵從事為楊佺期發師非張濟乎以唐人物言之宋務
光調洛陽尉應大水求言之詔為侍御史多糾正諤蹇之風此其
節可知矣宋之間為脩文學士與高維稱為二妙與弟
之悌之慈稱為三絕此其才可知矣至於盡孝親之行
創孝義之名非鄭與乎五代之時有薛融博通墳籍有

李彥從精熟武畧馬宋之時王嗣宗舉進士第一累為
轉運稱職矣然自其祖四世皆歷州郡之官焉文彥博
為將相五十年與富弼齊名矣然至於子八人皆歷清
要之官焉楊瓊田紹斌皆為團練使而有征伐之勲辛
仲甫趙昌言皆為吏部尚書而有功名之譽上平交州
策者則有若侯仁寶上治河之策者則有若李渭狄青
之破智高勲業巍巍不可尚矣且戰陣圖平蠻記載之
秘閣郝質之平賊功績炳炳不可揜矣然為 都指揮
使合於紀律侯延廣居寧州而夏人遠避有干城之勇
王奇徙廣西而節義磊砢有日月之光至於討江南之
蠻平山後之羗又李浩也元之時杜豐為長官有德政
而子思敬為中書左丞克紹先人之緒張益舉進士第
一而子太猷為儒學提舉克追乃父之風至於呂洸官
庶訪志操脩飭柳誠官助教德行淳篤而我
朝之辛彥博敷歷中外綱紀憲臺咸有可稱者天順以
後人才累累不絕吾未暇論也

遼州沁州人物

晉曰遼陽唐曰樂平此遼州之名異也然考其名則創
於隋隋曰義寧唐曰陽城此沁州之名異也然考其名
亦始於隋蓋遼州之地居太行絕頂山川險峻而銅鞮
案其前龜山鎮其後則又沁州之形勢也此二州者本
皆冀州之域周屬之晉繼屬之韓繼屬之趙而其風俗
則一剛悍朴實一勤儉朴實也然則人物夫豈無一二
可言者乎請具陳之遼州人才求之漢唐不可考矣宋

有薛超初為虎捷卒宣剛勁之力繼為虜候吐謀畫之
奇當王全斌之伐蜀雖為麾下也然百死一生之中能
獲俘獻馘而功烈亦不可少矣當太宗之伐太原雖非
主將也然屢戰屢敗之餘能冒圍突陳而才畧亦不可
輕矣以我

朝言之傳復有言其貴之名高魏有孝親之行此又遼州
之人物如此也沁州人物求之唐不可考矣晉有石勒
雖為羌夷之種而好觀漢書以韓彭自許李熹雖有仕
魏之過而初拜中丞以剛介自持五代之時郭饒為沁
州刺史有循良之績為百姓所歸心焉郭延魯為復州
刺史有廉潔之政為州人所遮道焉以我

朝言之趙彞累兵部郎中之任有練達政務轍此又沁州
之人物有如此也夫二州人雖寥落不眾然
聖明御極聲教四敷當必有大才為國用者濟濟也又
豈但石勒輩可得而言哉

潞州人物

商曰黎國周曰赤狄晉曰潞子此潞州之域所以定也
秦名上黨唐名昭義宋名隆德此潞州之名所以異也
蓋其地居天下之脊當河朔之喉肘京洛履蒲津實天
文參野之星河東雄勝之地也論者謂是邦其俗民儉
質而力農士氣節而尚學然則人才豈不與他州等乎
請具陳之周之人物有豫讓焉報仇至於三起拔劍至
於三躍可謂節義之士矣若夫以漢言之馮奉世為右
將軍有破莎車之功而其子曰譚曰野王曰玄曰參有六

馮君小馮君周公康叔猶二君之歌奉世可謂有子矣
至於有破青犢之功封中陽侯者非鮑未而何晉之人
物有續咸焉為東安太守著汲冢古文釋可謂文學之
士矣若夫以南北朝言堯暄為大司農者小心之節而
吁遵曰榮曰傑曰雄為員外散騎開府三司大都督之
官堯暄可謂有幾至於以善風角之功封屯留子者非
李業興而何逮至於宋李處耘以討平潞澤而遷樞密
副使矣其女為皇后不偶然也且其子繼隆禦契丹有
功焉非子述之乎李繼昌以招安賊黨而遷連州刺史矣
其子尚公主不偶然也且其父李崇矩征揚州有功焉
非父作之乎苗授從王韶而取鎮洮王彥從張所敗金
兵王陟有督餽靈武之武功而至朝廷錄用其子忠之得
乎上也秦當有奉親居洞之孝而至賊兵保全其鄉孝
之動乎物也以元言之任志歸木華黎而忠節凜然自
殺其子而不悔宋子貞歸嚴實而方畧沛然善教其子
而有為講明理學諫征曰本劉宣之為尚書也謚之忠
憲何忝乎通貫經史屢陳大義李益之為李士也謚之其政聲揚仁
風為郎中靳克忠為御史皆稱其職理我
朝則有杜敷精通三經徵拜四輔焉天順以後一時人
傑先後迭生吾未得而悉數之也

澤州人物

論澤州之地屬於冀州而春秋屬晉戰國屬韓趙此其
疆域之始也論澤州之名定於隋室而北齊曰高都隋
曰長平此其沿革之異也蓋其地有大行之險固為東洛

之落正山川環抱道路險窄人生其間其性質其氣豪
淳而好義儉而用禮然則人才之生豈無表表然足以
供用者哉請具陳之漢之時有陳龜尹京兆而能治三
輔豪強拜將軍而奏免一年租賦初乞歸田里以避奸
臣之亂後請誅梁冀以蹈殺身之仁此其人可知矣南
北朝之時有蔡襲田弘為時偉人而田弘之身被百箭
破骨者九其勇為何如耶五代之時有段思恭張廷翰
為時聞人而廷翰之初平淮南屢遷虞候其謀為何如
耶以宋言之宋太初著簡譚三十八篇有學力也劉義
叟脩天文十三代史有史才也王忠植受知於胡世將
成舍生之義王獻可善遇黃庭堅盡尊賢之禮至於王
霽告蔡京罪而配海島甘心矣逮其從和師中用兵而

為金所殺節之不屈如此也王雲撰雞林志而使高麗
稱職矣逮其從康王使金而為眾所殺命之不幸如此
也凡此又皆王獻可之子焉以金言不聽王臻遊說氣節
何松堅也趙可自號王峯散人學問何春容也郝天挺
厭科舉之習寧落魄困窮而不至豪富之門李俊民傳
皇極之數為承安狀元而自立鶴鳴之號為中牟令者
李晏個儻任氣謚文簡宜矣為按察使者李仲畧剛介
特立謚襄獻宜矣元之時鄭昇討蘄黃之寇不愧於
忠毅之謚賈魯治金隄之水不忝於明經之薦至於書
無不讀而被留宋室凡十六年學務有用而著陵川集
凡數百卷又非郝經而誰歟逮至我
朝湯砥穎敏好學以舉進士第而官至禮部侍郎侯璉

勇男如謀以鄉貢第一而官至兵部尚書天順以後人
才貫珠不絕吾未暇悉數也

新編博物策會卷之五終

新編博物策會卷之六

山東省

濟南府人物

屏石戴璟著

考是邦之名卽夏青酬齊地漢濟南唐臨淄者也披是
邦之輿圖卽東瑯琊南泰山西濁河北渤海者也蓋其
地憑負山海擅利魚鹽介山東之衝要列危星之分野
其爲地亦雄矣故風俗之所濡染豪傑之所振拔或謂
其務功名多大節敦厚濶達彬彬然有鄒魚是之風嗚呼
信哉請具陳之周有公哲哀不仕家臣以養高尚之節
秦有茅焦極諫始皇以全母子之義漢之時伏勝林尊
皆明於書者也然勝傳今尚書二十九篇其學尤得其

真田何揚何皆明於易者也然田何著易傳數篇其學尤造
其妙終軍年十八而成棄繻之志何英邁也禰衡年二
十六而作鸚鵡之賦何宏麗也東方朔以上書爲郎而
正言時有可采高翊以父任爲郎而清操真有可法王
訢以暴勝之薦而就徵矣且其後居官有政績豈偶得
其譽者乎成翊世訟太子之寃而就獄矣且其後居官
務嚴格豈肯變其節者乎張軌之藏書何志識開明也
羊續之懸魚何志操廉介也羊陟奏貪污所在蕭然襄
楷論災異所言紛若三國之時鮑勛多所匡諫雖被殺
而鍾繇申辨之甚明高堂隆多所正救雖天死而曹丕
痛惜之甚至臧霸擊黃巾之寇屢立戰功管輅解青蠅
之夢善論易理以晉之時言之羊祜有伐吳之功羊鑿

有討峻之功然而祜之德量開豁以披荆棘有可嘉者
矣胡毋輔之刺湘州而嗜酒羊曼尹用陽而嗜酒然而
輔之佳言吐露如鋸木屑有可稱者矣解系之奏孫秀
以清潔自裁劉寔之參相國以廉耻自勵以南比朝言
之爲政有去思者羊玄保也爲守有惠愛者明亮也明
僧紹不見其弟爲國不顧其弟也傅伏欲殺其子爲國
不顧其子也羊鴉仁事君雖不審所從而改過勇矣羊
俛律身雖有近於戲而膂力壯矣隋之時明克讓博物
洽聞而有聲於翰墨唐之時秦瓊攻城畧地而有名於
凌煙然唐之人才不特此也任敬臣以五歲而刻志讀
書卒副顯親之願負半千以羈角通博經史不忝童子
之科崔融遷鳳閣舍人而寶畫之頌亦有可觀崔從領

鄜坊節度而羗人之服乃其所化柱伏威之納款利見
大人也孟簡之抗論以道事君也五代之時博涉典墳
詳明禮樂有田敏焉宋之時摧堅陷敵不殺一人有張
令鐸焉不但此耳劉蟠爲諫議大夫而立性清介張雍
爲尚書右丞而蒞事勤恪趙鎔一刀筆吏也而能稱部
署之任李清照一女子也而能擅文學之名胡旦舉進
士第一而著將相要畧其才之雄可知矣石介舉進士
及第而著慶曆聖德頌其學之正可知矣周起上書陳
戒與弟超皆藏書之多者也王沔言事委曲與弟准俱
適時之用者也張揆論外戚之專妙於諷諫也劉蒙劾
新法之弊其於肥遯也單煦代兄死兄弟之情何厚耶
劉庭式娶盲女夫婦之義何篤耶韓贄劾梁適惡朝綱

之不振辛棄疾哭朱熹痛道統之無傳苗傳作亂而呂
頤浩謀誅之竟成其志忠穆之謚宜矣劉豫大逆而李
亘謀誅之反害其身愍忠之祠宜矣范正辭辨平民之
冤王衣活刑部之囚皆爲民造福者也李推清以倜儻
自任盧琰以幹集自奮皆爲國任事者也王杲從澤潞
之戰社稷由之定李格非斷洛陽之占理數以之合逮
至於元嚴實爲萬戶功德及於一方之民劉敏中爲御
史忠直形於十事之疏張榮張立劉通皆有汗馬之勞
齊秉節張均孟德咸有從征之烈張養浩事君而諫張
燈忠焉而誨之也劉斌教子而禁瀆貨愛焉而勞之也
劉伯林劉嶷父子也而屢立戰功秦國之封何愧王居
敬王居敏兄弟也而咸有器識孝義之褒何慚張起嚴

舉進士第一而有華峯漫藁金陵集俊逸不凡燁然雕龍之態潘昂霄號蒼崖先生而有蒼崖類藁金石例磊落不羈鏘然鳴鳳之音韓鏞程益皆有言責也國之是非以道匡之謇諤之論陳於帝前洋洋然中膏旨也王伯顏張名德皆有官守也宗國之覆以身死之忠義之鬼遊於地下凜凜然貫金石也至於張炤為三路提管經濟有為而吏民有所震懾矣購萬卷古書甄陶有術而生徒有所興起矣逮至我

朝人物尤有可言者高復知長春禱于廟而兩澤洽野至誠之感天地也趙讓丁毋喪廬于墓而虎豹屏形孝之格禽獸也秦琰聶震皆以才行居亞卿之位蒲甫賈昭皆以學行膺方面之寄以太學生為參政則有若宋性李溢分理大藩政績播於鈐曹以太學生為御史則有若韓禎李濬巡歷郡邑風紀震於僚屬王璉肄業文華堂不以既貴怠其學而攝事稱旨孫忠進爵會昌伯不以既顯驕於人而小心節用郭士原有保障之勇而為左都督王佐有特達之器而為大司徒孫恪為參議家無蓄積其清如水矣孟善在督府功在邊防其堅如城矣天順以後人才相繼迭出以鳴國家之盛何可以累數之哉

兗州府人物

軻書之敘道也自堯迄于孔昌黎之原道也自堯終於孟夫此二氏者生於鄒魯而重於古今真百聖之冠而萬世之師也此非鍾天地之秀萃山岳之靈而若是其

盛耶故嘗考兗州之域東盤琅琊西控鉅野北走厥固
南馳互鄉此其風土之卓異而人才之聳拔宜矣由是
至教所陶人人多儒雅之業流風所被世世尚廉耻之
風詩曰高山仰止吾於兗州云然請具陳之柳下惠得
聖之和三公不易其介孔子得聖之時萬世皆仰其休
杏壇開帳高第盍簪故始教而受學者顏無繇也其子
顏回契四勿之教言志而吾與者曾點也其子魯參悟
一貫之旨閔損冉耕以德行著而損之并心服蘆其行
尤為淳篤也冉求仲由以政事顯而由之抗志結纓其
操尤為剛方也宰予之智足以知聖人豈可以論栗社
病之乎有若之言足以擬孔子豈可以暴秋陽少之乎冉雍論敬簡曲發其蘊南面可使之稱非倖也
南宮适擬禹稷克尚其德君子若人之譽非誇也樊須

雖被小人之斥矣然屢問仁智亦必有所進焉申枨雖
致不剛之斷矣然見推門人亦必有可齒焉公西赤服
章甫堪為小相之事必不齊令單父克當君子之名林
放之問禮識其本也商瞿之受易得其傳也澹臺滅明
乃武城之人豪公西箴乃魯邦之人望秦非樂善慕道
而鄭國則守清脩之節者也冉孺勤學好問而榮旂則
務篤實之質者也喾學涉道者非漆雕徒父乎進學廣
業者非叔仲會乎顏高得孔門之微言伯虔得孔門之
儒行志存正大有若却異學出群類有若縣成學已成
器則顏噲其人也好學不倦則漆雕哆其人也施之常
有賢德公祖句茲有令儀勤於學業者顏幸謹於言動
者申黨而商澤有涉覽見之才焉精於悅道者左人郢勤

於講學者冉季而奚容箴存正大之氣焉凡此皆孔子之弟子也若夫受過庭之訓者孔鯉也作中庸之旨者孔伋也孔子之兄子曰孔忠封鄆城侯子思之長子曰孔伋為威王相孔斌進策魏王而設燕雀之喻孔鮒收藏遺籍以避坑焚之禍十世孫孔真該博古今有高尚之志十二世孫孔安國精通尚書有政事之才夾輔漢元則有若孔霸其學術足以格君心也絕仕王莽則有若孔均其氣節足以敦風化也孔僖為令蘭臺善言辭章帝嘉之其人非凡矣孔融為北海相表儒術而曹操害之亦命不幸矣東晉有孔衍少通詩書乃二十二世孫也南北朝有孔鮮好學博覽乃二十六世孫也孔宜浪勤學業而次子曰憲曰勗皆登宋進士愈遠而愈光

也孔道輔正言直諫而父曰勗子曰宗翰皆為宋侍郎愈久而愈昌也仕於金者曰孔端甫乃四十八代孫年德俱高讀書樂道仕於元者孔思晦乃五十四世孫資性端重讀書講理凡此皆孔子之後裔也若夫自周以下人物之盛又有可得而言者焉公儀僭砥功礪行不事諸侯而子思為之友公孫儀拔葵去織不爭小利而太史公為之傳至於孟軻氏學問淵源負巖巖之氣象行檢嚴恪排嘵嘵之異端上以承孔氏之傳下以開濂洛之緒此又深有功於聖門大有功於後世也以漢言之彭越將遊擊之兵雖不克終而有以成垓下之功叔孫通制綿蕞之儀雖不堪正而足以革折柱之習申培公以魯詩傳授而致蒲輪之迎夏侯始昌以齊詩教授而

知栢梁之災高堂生孟卿孟喜后蒼疏廣皆長於禮而
后蒼之兼通齊詩疏廣之上疏謝事尤卓卓也江公王
式常賢常玄成皆長於詩而王式之諷諫昌邑常賢質
朴篤學尤表表也朱雲善論易蕭望之善論詩而二子
凜凜氣節尤相類也馬宮善論春秋夏侯勝善論尚書
而二子藹藹謙和尤相似也丙吉魏相寬嚴相濟而于
定國駟馬之乘治獄明且仁矣王章薛宣舉劾不避而
史丹青蒲之諫言事正且直矣龔遂治渤海勸農去盜
王望刺青州發廩賑飢匡衡雖有可病然說詩得聖人
之旨也貢禹雖有可疵然明經爲朝臣之選也陳湯矯
制而有破郵支之功其智足以應變矣劉虞勸農而有
保青徐之功其才足以濟人矣檀敷魏應皆教授也二

從學之人數百一從游之人數千而有以立師道焉王
良毋將隆皆教授也忤王莽而遠竄一避王莽而隱居
皆有以植行檢焉鄭弘鄭昌兄弟也昌守涿郡弘守南
陽昆弟同一際遇矣王龔王暢父子也龔劾貪濁暢務
清白父子同一制行矣曹褒治慶禮而爲群儒之宗雖
有織緯之雜不足力詆也何休釋公羊傳而窮六經之
學雖有墨守之專不可盡非也度尚爲上虞長發摘奸
僞而神明之號燁然沸騰仲長統爲尚書即慷慨言事
而昌言之撰浩然抗直張儉闔門懸車於曹氏爲政之
曰君臣之義盡矣豈肯苟媚奧竈乎范式克期赴召於
張劭爲友之時朋友之情篤矣豈肯翻覆雲雨乎寒朗治
楚獄以仁恕爲心魏霸守鉅鹿以簡朴爲政以三國之

時言之王祭博物而來倒屣以迎之敬劉楨能文而與建安七子之列王即諫射獵數數然不止忠則忠矣而王肅著諸經傳註文學有光於父李典立戰功恂恂若不及謙則謙矣而王弼注周易老子文學觀於時諸葛亮諸葛瑾諸葛誕本親兄弟也而分仕三國人不以為疑然亮進出師之表畫八陣之圖萬世仰之如巍巍北斗照域中也諸葛恪諸葛瞻本族兄弟也而分仕兩國人不以為過然瞻誅誘降之使恪守捐軀之節萬世尊之如赫赫雷霆行天上也晉之時馬隆克平涼州而毡裘為之寒唐彬從征江南而旗蓋為之仆郗詵舉賢良對策曰臣猶桂林一枝崑山片玉其多才可知矣苟晞督青兗流涕曰殺卿者刺史哭弟者道將其公平可知矣

知矣王祥王覽兄弟也而一盡其孝一盡其弟卞壺卞軫卞玘父子也而一死於忠一死於孝王道導以大義滅親珣免之以總角密啟征伐之謀尤有功於社稷王羲之以善書冠世而彪之以正色拒處分之議尤有補於名教劉卞不肯寫黃紙立志何高潔也顏含不肯勞著龜見理何明徹也諸葛恢守會稽政績第一郗鑒受遺詔忠亮無二繆播雖為東海王越所害而心事昭如日星劉超雖為蘇峻所害而忠義堅於松柏虞溥嚴厲得中而傳經以自娛何無忌忠亮任氣而握節以守死南北朝之時檀道濟雖昧明哲然負長城之望何承天雖涉畔逆然辨銅斗之異王僧達善屬文而子融文辭敏速援筆可待又何捷耶徐摛善屬文而子陵八歲能文

一三通老莊又何慧耶王曇首爲鎮西長史武帝稱之
曰輔相才李安人爲吳興太守明帝稱之曰封侯相王
裕之雅性樂山水恬退之節坦如也徐勉與客談風月
廉介之風皦如也王僧孺七歲能讀萬言書而爲中書
郎多才識王褒十歲能覽史傳而爲左僕射能謙抑卞
華說經析理士林尊之以爲魁桓康摧堅陷陣江南畏
之以愈疾王智深則撰宋紀也顏之推則作家訓也劉
兆作春秋調人書百餘萬言以養廉退之節何敬叔榜
門受米二十餘斛以濟貧之之人顏協張景仁皆工於
草隸也檀超顏晃皆長於辭采也何思澄工於文而與
宗人遜子朗齊名故當時有東海三何之號顏延之工
於文而與謝靈運齊名故當時有顏謝之稱周盤

龍有破魏之功蠻夷震其威類見遠有死齊之義天地
鑒其誠守新安者徐伯陽孝友之行著於家國守宣城
者何遠公清之德服於黔黎以唐言之程知節奉旗先
登盡形凌煙閣王雄誕愛人撫士進爵宜春公賈敦頤
賈敦實先後刺洛州之郡而棠棣碑立於當時顏杲卿
顏真卿先後死安史之亂而魯公廟祠於後世王難得
挾矛駭馬斬吐蕃之將何勇也李世勣畧地攻城破高
麗之衆何智也顏師古撰漢書注而難於弟顏相時撰
漢書決疑而難於兄張公藝九世同居而齊家以忍字
百餘爲先劉晏八歲獻頌而理財以養民五事爲要呂
元膺之縱囚來歸以德化人也伊慎之屢立戰功以身
殉國也五代之時王彥章仕梁而不更二姓其忠義有

以激頑闇寶仕唐而不憚百戰其智勇足以制敵王朴
獻策而達樂之音學識超卓顏衍棄官而侍親之疾孝
愛精純逮至於宋翟守素歷內職五十年寬仁勤慎梁
顥中進士第一人明敏粹美張齊賢製十策以獻太祖
曰西都得一齊賢梁適自爲文以獻真宗曰梁顥可謂
有子王禹偁九歲能文傅堯俞十歲能文王博文十六
歲能文皆聰睿矣而至禹偁之正色敢言尤足以臨大
節吳祐之有集三十卷梁固有集一十卷柴成務有集
二十卷皆宏麗矣然而固之慷慨尚義尤足以光先烈
夏侯嶠淳謹無過畢士安歎曰若夏侯在難據此位晁
補之嗜學不倦蘇東坡稱曰其文博辨雋偉必顯於世
任中正知益州遵張詠之約可謂名吏矣其弟中師自
奉儉約號大塊翁馬顏大初爲直講繼顏淵之志可謂
名儒矣其子復自處有道應嘉祐詔焉馬尋以掠困粟
者不以強盜論而以爲脫苑決獄何仁恕也榮諲以採
銀者不以劫論而以爲無知審刑何欽恤也穆脩爲古
文而變五代之陋郭勸諫廢后而正三綱之本方河決
之變竇卞擅發常平之倉其言曰吾寧以一身活數萬
人何憂國如之方學禁之嚴馬伸欲求中庸之教其言
曰使伸得聞道死亦何憾何篤學如之李迥辦軍需有
功於南渡勸進之日李邴持大義有力於苗劉作亂之
時龔昇臣言事不激而發摘奸伏者李參也馬默諫爭
不避而引援人物者梁燾也智高之亂孔宗曰罵賊而
死至今言之令人毛聳伏寇之遇王師道力戰而死至

八言之令人股慄李師中送唐介之詩衆口傳誦如獲
拱壁燕度上權塩之奏輿情稱快如脫沉痾魏能材力
絕倫而契丹爲之敗走可謂守關之虎豹也畢再遇武
藝超人而泗州爲之恢復可謂中流之砥柱也逮至於
元王鶚自幼日誦千言及爲學士典章皆所裁定李稷
八歲能誦經史及爲參知政事始終皆以忠勤王玉汝
視事六日煥然一新耶律材奇之宜矣張雄飛陳言世務其公
桑輯要李昉著孟子權衡顏瑜拒寫旗之議楊桓辨王
璽之非曹元用定郊祀之儀趙天麟進金鏡之策商挺
以征伐有功屢建大議而其子曰琥曰琦皆以文學終
其業亦可尚也王構以詞賦中選數引名士而其子士
熙士點咸以文學世其家亦可嘉也王旭工於文而與

三王之列辛有常勤于道而終宣慰之官王閏救父於
烈焰之中孝行何懇懇耶樊執敬死節於擾攘之內忠
義何凜凜耶僉廉訪司者王思誠而異蹟著聞任左司
郎中者張昉而公平如一李洞上進輔治之篇有補於
啓沃李謙陳正心之疏有益於箴規逮至我

朝于睿趙臨王麟皆以大學生而累官中外有政績買
諒劉文劉迺皆以鄉舉而歷任中外有聲譽師達爲戶
部尚書蕪掌吏部事有德量之洪張本爲兵部尚書蕪
掌察院事有仁恕之美宋亮以明經舉馬貫以才學超
卓舉然一爲參議有能聲一爲御史有直聲張琛以舉
人舉歐陽恭以耆老才德舉一爲郎中有孝行一爲參
政有德行韓克忠以進士爲脩撰學篤行淳王晟以進

士爲僉事守死善道天順以後人才沓出絡繹不絕吾未得而悉數之也

東昌府人物

考東昌之地本夏之兗州星之危室寃東昌之名本齊之西鄙漢之東郡蓋其南接濟交北連德景實宋魏齊魯之衝無名山大川之限此是邠之疆域如此也說者謂風俗近敦厚家習禮遜賢良宏博多文學之英以今考之信有可驗者矣豈不足以垂芳声於久遠者乎請具陳之周有孫臏負將帥之畧而咸竈之計何其奇漢有汲黯近社稷之臣而積薪之喻何其直然漢之人物不但此耳尹齊爲御史有治盜之功謝弼除郎中論青蛇之異賈琮劉儒皆舉孝廉者也然一撫交州之叛而

有賈父來晚之歌一死竇武之難而有口訥心辯之譽劉瓚趙苞皆爲太守者也然一以直言不避而罹黨錮之禍一以守城自殺而全忠孝之名從曹瞞征伐而先登有功烈樂進也從鄭玄受學而居官有威重崔琰也三國之時崔林爲政多存大体潘璋帥軍甚肅禁令若夫晉之時人物亦有可言者劉寔著崇讓論所以矯奔競之風劉智著釋疑論所以發聖賢之旨華嶠作漢紀良史之才發於筆下吳隱之賦貪泉清白之操溢於言表王鑒勸征杜弼除暴以靖國也步熊痛絕趙王倫遠奸以保身也華廙爲侍郎而弘敏有才思非能臣乎華桓爲常侍而清儉無餘芟男廉吏也南北朝之時崔宏之才號冀州神童而崔浩善天文崔暹撰燕記皆武城

人以文鳴者也崔光之才號黃河東注而崔勵有父風
崔鴻有著述皆清河人以學顯者也崔休之清白崔亮
之公清崔光韶之博洽至於作觀射詩者崔仲文何敏
捷也崔景貞之清勤崔彥穆之閑雅崔悛之端凝至於
作海岱志者崔惻祖何涉獵也李彪上封事十條言事
之顛切形於奏疏崔灵恩教生徒數百人析理之精致
播於士林張彞歷覽經史而巡十二州有聲矣張譏篤
好玄言而自十四歲有聲矣王榮世燒府庫殺妻妾節
義襲人者大李脩舍病人就棺殯德澤及人者深房法
壽爲魏郡太守而族子景伯涉經史仁恕寬愛德及一
方劉昭注後漢書而子緇通三禮風流跌宕名高一時
張晏之爲刺史百姓爲製清德之頌路去病爲御史貴
戚多被彈劾之威隋之時崔儵年十六而郡守有功曹
之擢乃不就徵遷三曹而時人有灼灼之謠初非過譽
張虔威審視後對法石津數馬之事也張虔椎口對皆
合酬秦案囚之問也以唐言之崔善爲精於曆數吕才精
於律吕劉祥道罄銓敝而子齊賢懷方直之性太宗爲
之贊美吳湊簡官市而弟淑死朱泚之難德宗爲之悲
哭杜暹五世同居爲參軍之日撫戎練士至於杜鴻漸
說徃灵武上表勸進此則暹之族子也崔邠三世同爨
爲補闕之日首論延齡至於崔郾家不藏貲有輒周給
此則邠之親弟也王元感撰書糾繆等數十篇魏知古
稱之曰五經指南也崔群論開元天寶治亂數十言范
祖禹稱之曰聖人至言也崔咸爲御史處正特立風采

動於廟堂路巖爲節度使撫循邊軍恩德感於蠻寇孫
伏伽陳三事人服其直矣而崔鉉論躑躅之非尤懇惻
也崔彥昭侍毋膳人多其孝矣而孫揆死於李克用之
禍尤忠誠也五代之時葛從周仕梁而顯於軍功楊邠
仕漢而長於吏事若夫宋之人物尤有可得而言者王
祐明符彥卿之寃手植三槐其有以試之矣祐之次子
曰旦應酬西北綽然有餘而爲景德賢相祐之季子曰
旭颺歷中外卓然有績而爲兵部郎中至於素乃旦之
季子也諫進女而有異斷之號知成都而有懿敏之謚
若夫輩之俊才靖之力學皆有可觀也李迪少從柳開
之學廷試一人其有以來之矣迪之長子曰柬之以學
士謝事而服幅巾以見客迪之從子曰肅之以學士廬
墓而取詩書以訓弟至於及之乃迪之從子也次唐史
而撰龜鑑之書官大理而致獄空之効若夫孝基之然
第承之之讓兄皆有可嘉也譚延美知寧遠軍設開門
之計而契丹爲之遁去張璠討壽春爲蔽矢之忠而大
祖爲之無虞皆居潤薦流倫知人之鑑如是其哲也李
岳絕丁謂守身之節如是其昂也王沿興水利矣而張
詠知益州築隄灌田其事類也馬元方貸庫錢矣而徐
起爲轉運移粟賑飢其心同也張昭號逍遙先生雖失
節而博學也靳懷德爲益州幹轄屢更任而著功也錢
守俊以三十六創立戰功克堪禁衛之任劉謙請以六
月給冬衣盡撫軍之法張遜副樞密小心謹慎而有子
兩人皆顯高弁從种放文章純正而有文三篇可觀廉

公諤令萊蕪致醜釜生魚之歌王巖叟論章惇入元祐
黨人之籍王鼎卻增年之請不敢欺君也耿端義上遷
都之策善於謀事也閻詠爲河南治中氣節豪邁而子
康曄篤信好學四方之士經其指引張奎知鄆州風力
精強而子燾才知敏給滿朝之士服其籌畫孫奭辨天
書之非排難甚正馬定國辨石鼓之畫引據甚明張質
纂輯兵要而悉知利害之詳孫瑜保護賢才而不爲陰
擠之計宋九嘉有奇氣沒於癸巳之難毛侗有大節死
於遷蔡之變宋之人物如此而仕于金者亦如彼矣逮
至于元閭復作封孔子之制辭傳誦士夫之口焦養直
侍世祖之帷幄與謀國家之政孝符曾閱學紹朱程則
有僉事王德新也堂名萬卷齋名文會則有若義士張
汝卿也岳禎爲建康路總管定救荒之政梁宜爲河南
路總管成循吏之名齊榮顯樊揖皆以軍功顯於朝廷
朱汝諧陳舜咨皆以孝友聞於鄉黨岳存治楚丘惠政
有所周洽司庠官西臺梗直無所顧忌以我
朝言之郭敦鎮守陝西悉革宿弊能吏也趙巖供奉父
毋悉竭其力孝子也禮部右侍郎王士嘉辭老致仕以
養高尚工部尚書吳中先事蓄財以應時需按察使李
懋副使史曄皆以才行著于外布政司參政劉昱參議
吳祥皆以才能重於時天順以後人才層出代不絕人
吾未暇以枚舉也

青州府人物

以上名青州之域昭垂於禹貢以星列危虛之區具載

於周禮蓋其地卽太公之所封東有卽墨之饒南有泰山之峻西有濁河之限北有渤海之利誠四塞之固東道之雄也士生其間好經術矜功名雖豪悍之習未除而文物之風可羨矣請具陳之周之時杞梁以忠義自許而左傳紀其事焉成覲以丈夫自期而軻書述其言焉公治長之縲綫非罪后處之言行不乖至於步叔乘有力扶聖道之功皆孔門之弟子也孫武著書十三篇騶衍著書十萬言至於騶忘騶奭有騶子之號皆當時之偉人物也黔婁子守道不屈萬乘之君不得而友王蠋守節不更萬家之邑不得而汚田單火牛之策決勝千里而朱子謂其智顏蠋處窮之力用藥四味而東坡謂其巧子竒方十八歲有平東阿之功田文養三千人

有絕河渭之績至於魯仲連下聊城之圍齊王欲賜一爵而不受郤帝秦之請平原君欲賞千金而不受所謂鷹隼高飛虎豹長嘯者矣八以漢言之田橫客五百以死節著凜凜乎至今有生也轅固年九十餘以賢良徵落落乎與人不妄群也聶敬諫高祖之比征其繫械而不辭號建信君宜矣鄒陽爲梁孝王之下獄乃上書以自明卒爲上客宜矣胡毋生公孫弘皆治春秋者也然弘之待詔金馬不若毋生以經術開後學也兒寬歐陽生皆治尚書者也然生之講經石渠不若寬之以經術飾吏治也主父偃嚴安皆上書言世務而蒙超擢之榮周堪師丹皆上疏論權姦而遭貶黜之辱薛方遜言於王莽篡祚之時而守巢中之節伏湛保民於更始虐政

之日而行鄉飲之禮伏隆伏恭伏黯皆以才行鳴者然
隆爲張步所殺殺身以成仁也恭爲明帝所師正身以
垂範也歐陽歛牟融皆以文學鳴者然歛以尚書教授
數百人於作太守之時達而兼善也融以尚書教授數
百人於隱居之日窮而育材也江革董永皆爲人子然
革以忠誠化強暴而有巨孝之名永以忠誠感天地而
有織女之異其迹同也邴原管寧皆爲人友然原教授
生徒而儉德以避難寧之隱居遼東而潔身以去亂其
迹一也王脩念母之篤而鄰里爲之罷社周瑒律身之
嚴而陳蕃爲之懸榻承宮舍牧豕之陋而成大儒童恢
馳呪虎之名而爲循吏卽顛以星筭陳七事召拜卽中
辞病不就滕撫以才畧尉九江踈斥閹宦守正不阿三
國之時國淵進列卿位而布衣蔬食故舊沾散祿之惠
王裒痛父非命而攀栢垂淚門人廢蓼莪之篇徐盛羞
與邢貞之盟志氣欲并許洛也徐奕從征馬超之亂忠
亮無愧古人也晉之時徐邈作五經音訓後學爲之宗
師徐廣作車服儀注百家爲之研覽左思作齊都賦而
洛陽紙貴張華稱之曰此班張之流也王猛爲符堅相
而關陝政和符堅稱之曰此孔明之遇也王尼不拜東
海王越其料何綏智何其明王鎮惡不附沈田子其定
三秦功何其懋南北朝之時臧燾以后兄爲太常彌以
冲約自守王憲以廷尉爲太守益以公清自操王昕爲
魏常侍風流醞籍而武備每見正冠之敬孫奉爲齊助
教勵志勤學而神武有折我右臂之傷劉勰撰文心雕

龍五十篇而沈約重之至任昉撰文章數十萬言而王
儉推之深王晞養母棄官其言曰非不欲作熟官但思
之爛熟耳真格言也賈思伯居官下士其言曰衰至便
驕何常之有真妙辭也劉穆之從宋武帝倉卒之際內
總朝政外供軍旅決斷如流事不少滯孫謙從梁武帝
老耄之年坐施屏風寢鋪莞席劇職自効力不少衰唐
之時房玄齡之樂善不倦而有名宰相之稱段志玄之
拒關不開而有真將軍之譽段文昌出師西蜀來旱不
苦雨不愁之歌段成式著西陽雜俎載明而人幽而鬼
之事王敬武擊盜而青棗爲之蕩平猷何壯也孫旣廬
墓而醴泉爲之湧出孝何篤也以五代言之趙犖仕梁
而有拒黃巢之功其卒也陳州爲之罷市孫晟仕南唐
而有念永陵之心其死也唐主爲之贈官以宋言之張
宏副樞密脩謹守位不求赫赫之譽徐興趣栢谷奮與
賊鬪不乏矯矯之氣許仲宣轉運江南曲盡供饋之宜
王子輿久掌茶塩裁量漕運之制張詠召之而不來者
傳霖也其論將去來報之說尤爲先見王欽若致之而
不從者賈同也其論丁謂欺國之罪尤爲切直李之才
教授邵雍能深契先天之妙陳規贊協劉琦成大敗兀
术之功楊安國以五經及第行義淳實韓晉卿以明經
中第政事循良王曾爲三元兩宮嫌隙善爲之調張所
陳五利兩河事宜曲爲之制王皞撰禮閣新編人推其
博燕肅造指南記里鼓人服其精趙師民上陳十五事
有以切爲國之體周沆按斥數千人所以革事佛之俗

明鎬副文彥博討王則端挺寡言仇愈副張琦守廬州
堅壁不動王輝爲巡檢使茶寇犯邑輝勇於進雖爲賊
所得而含血大罵其死也日月爭光矣密祐爲都統伯
顏兵至先與逆戰雖爲虜所執而抗志不屈其死也泰
山爭重矣蘇不有高行試禮部不中第不踐城市賜號
冲退名聞于上也蓋自其祖德祥爲狀元有得於祖訓
李宥善屬文知江寧有善政不納貨賄賜錢百萬簡在
帝心也蓋自其父覺爲館職有得於家教朱壽隆爲少
府監爲人和厚怡怡而不屈權貴任顯爲直學士爲人
剛毅侃侃而屢著政聲元之時李庭攻取樊襄毋陷陣
先登于欽奉使山東著水經地記張禧征日本遇颶風
而戰艦之完處之有道張弘綱征八百媳婦雖戰沒而

武宣之謚受之無愧逮至我

朝臧哲以儒士爲兵馬指揮屢劾權貴志在激揚馬愉
以狀元爲翰林脩撰預聞機務心存寬厚張時爲左叅
政好學博文孫浩爲左布政政績著聞天順以後人之
亦間見不絕吾未得悉數之也

登州府人物

論登州之沿革者曰古爲斟尋國唐爲嶠夷地周曰牟
子魏曰東牟論登州之形勝者曰高山阻於前巨海環
於後城名不夜亭曰朝陽蓋其邦乃青州之域危星之
區三面距海足爲京東扞屏也人生其間雖朴野而儉
直好訟鬪而少文義然或謂土風之秀如登坡老之門
則夫人才之出不足爲邦家之光者乎請具陳之周有

淳于髡以口舌馳於六國秦有淳于越以諫諍著於一時李忠仕東漢而誅龐萌致有圖形之榮太史慈念儒道而救孔融且有貫手之妙桓靈之時劉寵選受一錢舉孝廉而不愧劉岱崎嶇百戰并殺身而不辭若夫避袁術而移居曲阿避孫策而退保豫章此劉繇也其知不足稱者乎三國之時劉基居喪盡禮而卻故吏之饋餉也嚴王基畫策平賊而諫在廷之營繕也切若夫當隋室亂離之際爲帥衆保障之舉此淳于難也其勇不可嘉者乎以宋之時言之王居卿爲棘轉運使除泛溢之害孫思恭累官天章閣精曆數之學淳于雍性清素王旦贈以詩曰純孝敦時俗高風自古人當其情也李常性鯁直蘇軾贈以詩曰當時邦人化市無朝飲豚稱其實也至於東西夏之爭赴慷慨之禍非高敏之爲人乎以元言之隋世昌征江柝挺身擊刺時有定海侯之封不足瞋目九泉乎姜夔知濱州課民農桑時有太守桑之號不足騰光百世乎劉傑劉昌以兄弟登顯仕各以才行可嘉于玠于諒以祖孫膺外任咸有行事可紀逮至我

萊州府人物

禹貢青州天文危星此萊州分野之所定也古爲萊夷周爲萊國此萊州封域之所因也蓋其地羅山巨其東

維水阻其西神山距其南渤海枕其北土踈水闊山高
海深說者謂風土甲於青齊似也考其風俗人性剛強
俗好噐訟然風流儒雅亦自濯磨洪勲碩望足以震耀
於古今而取重於海內者矣夫豈少哉請具陳之周有
甯戚單衣至斝飯牛至夜而桓公載之後車遂以其君
霸齊有晏嬰食不重肉妾不衣帛而景公授之鄉相遂
以其君顯漢之時費直長於易卦房鳳明於春秋王吉
與貢禹同心以賢良徵然吉上䟽切直謝病掛冠豪邁
之氣何堂堂也王駿與趙廣漢齊名以孝廉用然廣漢
制繫豪強鈎鉅摘伏嚴明之治何肅肅也蓋公教曹參
清淨而齊國爲之大治仁人之言也鄭玄從馬融受學
而六經爲之研通君子之儒也王崇以王莽秉政而謝
病就國其視孔光輩專事阿隨不啻糞土也逢萌以王
莽專權而攜家浮海其視劉歆輩卒被殺戮不啻狐鼠
也鄭崇正言直諫哀帝輒曰我識尚書履聲其見敬禮
如此司馬均隱居教授鄉人輒曰敢祝少賓乎其見推
重如此至於有王扶者脩德行而鄧禹徵之以參軍計
拜議郎而劉復稱之以爲名臣以晉之時言之劉毅比
晉武於桓靈而百度爲之條陳劉暉責郭彰之救火而
三臺爲之清肅侯史光與皇甫陶省風俗治民清其本
矣劉胤勸邵續歸琅琊擇君得其人矣以南北朝言之
唐求仕魏爲北地太守而夷人遮留數日唐瑾仕周爲
中大夫而在朝馳名六俊隋之時杜松贊爲石門隊正
見賊被執以刀築口而正氣不衰高構爲吏部侍郎舉

賢用士以明照物而權衡不曲唐之時張允濟令武陽道不拾遺蔣況令四縣軍不撓境至於蔣欽緒排祝欽明之議辨皇后亞獻之非此亦確論也五代之時呂寧奇仕唐雖無大建白而呂蒙正子孫之盛其必積善之厚也韓熙載仕唐雖不免奔走而江左有韓夫子之號其必立性之高也逮至於宋滕中正擢御史中丞振舉綱憲二子並舉進士述之有其人矣綦崇禮爲翰林學士善典制誥祖父並舉進士作之有其人矣徐承珪一族同居而有連里同實之瑞孝感之名殆不虛得也初晞六冬廬墓而有烏兔馴擾之祥粟帛之賜殆非偶致也孫祖德論章獻臨朝之非時服其梗吳奎論王安石新法之繆時多其直蔡齊舉進士第一而屢進讜言何

介如之劉闡以戰功第一而屢敗強敵何勇如之侯蒙申理十八人皆幾死獲更生辛次膺仕宦五十年無纖毫掛吏議至於王仲寶當任福之敗拔朱觀之圖其將畧又有可言者矣元之時王國昌使高麗不以險阻爲嫌張緝棄幕職惟以父母爲念逮至我

朝黃福爲少保鎮安交阻而有護送出境之異謚之忠宜宜矣薛祿爲太保營建北京而有裏創赴闕之勇謚之忠武宜矣李諒爲知縣去驛中之妖怪王璉爲知府毀郟中之淫祠禮部侍郎儀智疑重得休吏部侍郎侯膺勤敏過人殷哲以貢士發身至中書左丞才識有可用者張信以孝子發身至尚寶司少卿忠誠有所移者天順以後人才累累不絕吾未得而悉論之也

遼東都指揮使司人物

禹貢冀青之域天文箕尾之區此遼東之疆土而其名始於嬴秦鴨綠江亘於東山海關橫於西此遼東之形勝而其教唱於箕子蓋以其地考之絕塞之寒無樹平沙之勢蓋天人多僑居俗各異好地若陋矣然人性淳朴粗習文禮頗有中國之風焉豈無人才著名於古而垂範於今者乎請具陳之漢唐雖混一矣而教化不播於遠趙宋雖休明矣而疆域未統於一此遼東人物不可深考也雖然漢晉之末亦有之矣若公孫度公孫恭兄弟也然恭猶劣弱不若度郤曹操封侯之印尤爲剛介高謙之高恭之兄弟也然謙之善天文不若恭破公主犯路之車尤爲清直李胤追念其父雖封侯而家貧

無措晁清死守其城雖殺身而名垂不朽若夫仕于遼者則若耶律突欲立孔子之廟姚景行理上京之獄夏行美太康又皆有名於總軍馬人望太公鼎皆自聲於循吏仕于金者其人物尤多焉以詩文名者若張浩號華表山人李經號今世太白王庭筠號黃華山主至於龐鑄馬知剛皆工於詩者也以文學名者若劉仲尹之文章蘊藉梁肅之文墨精勤高德裔之才學高博至於高仲振耶律履皆長於易者也幹勒忠耶律辨材張景仁皆忤權貴而不避高守約高革憲冀禹錫皆死節義而不辭至於耶律思忠高衍李猷可劉光謙皆有一節可取高禎問山張九思鄧儼亦有一藝可稱以元言之李守賢劉世英石天應劉潤皆見知於木華黎者也其人

之賢可知矣高宣趙炳王珣耶律楚材皆効勞於軍旅中者也其人之才可知矣王克敬著詩文奏議而謚文肅耶律希亮有素軒集而謚忠嘉劉庭讓之救母弟郭全之哀父喪孝則孝矣然而孫秀實償富人之錢聚貧人之子則所謂孝子不匱求錫爾類也尤爲上焉崔敬之多建明王明之善騎射勞則勞矣然而耶律有尚推理學之蘊開後進之蒙則所謂非自成已所以成物也尤爲高焉逮我朝童信從靖內難勇敢負氣而官至五府都督風采之峻疑何如也其于城之將乎王麒從平內難躍馬衝陣而官至都督同知膽畧之雄壯何如也其彪虎之將乎天順以後人才亦有可紀者姑未暇論也

新編博物策會卷之六終

